



PROPOSITIONES

PARALLELÆ

*Michaelis Baij, & Hen-
rici de Noris*

Auctore

A. R. P. Fr. Ioanne à Guidicciolo Minors
re Obseruante, Mantuano,
Lectore Iubilato, Eius-
dem Conuentus Man-
tue Guardiano.



FRANCOFVRTI

Apud Ioannem Petrum Znbrod. 1676.

³
E MINENTISSIMIS,

Ac Reuerendissimis Dominis meis
Cardinalibus Sacrae Congre-
gationis Sancti Officii
Romani.

CVM mihi accidisset Mantua, ubi
eram Guardianus
exire, & incurrere in
aliquos libros, & scri-
pturas de praesentibus
controuersis, quae agi-
antur hoc tempore, volui
legere, & expendere,
quae auctores de illis tra-
debant, & occasione usus
legi constitutiones Sum-
morum Pontificum Vr-

4
bani Octavi, & Innocen-
tij Decimi, & Alexan-
dri Septimi, quibus le-
ctis decreui has proposi-
tiones colligere, & cum
omni humilitate, & sum-
missione Eminentijs Ve-
stris exponere, zelo tan-
tum ductus, & deside-
rio videndi has contro-
versias terminatas, quæ
pariunt inquietudinē p̃ijs
hominibus, & fortasse
aliquod periculum, dum
eas amplectuntur viden-
tes sustineri, habentes
pro approbatis, quandiu

nulla

5
nulla resolutio capitur in
Sacra ista inquisitione.
Composui tantum, circa
opiniones Baij, quia prius
incidi in Bullam Summi
Pontificis Urbani Octavi
in qua referuntur Bullæ
Pij V. & Gregorij XIII.
Idem fortassè facturus
circa opiniones Iansenij, si
mihi fuerit licitum per
facultatem Eminentia-
rum Vestrarum, à qui-
bus veniam suppliciter
peto de ista mea importu-
nitate. Omnia mecum
subijcio pedibus Eminen-

6.
tiarum Vestrarum, quas
Deus conseruet ad hono-
rem, & gloriam nominis
sui, & Ecclesiae defen-
sionem, & propagatio-
nem.

V.V.E.E.

IIIX

Seruus Humillimus, & Deuotissimus.

Frater Ioannes à Guidicciolos.

PA



PARALELLVM

Propositionum damnatarum Michaelis
Baij, & quarundam similium
Henrici No-

ris.

Prima Baij damnata quæ est in
Ordine 12.

PElagij sententia est: Opus bonum, ex-
tra gratiam adoptionis factum, non
est Regni Cælestis meritorium.

Prima Noris eiusdem sensus in Vind.
Pag. 48. lin. 10.

Nunquam Iulianus, aliique Pelagiani
admisere opera meritoria sine dona-
tia in: ad gloriam, sine gratia iustifican-
te.

Ratio vtriusque propositionis est;
quia in sententia Pelagianorum, illa
opera bona fiebant ex viribus naturæ.

A 4 sine

8
sine vlla gratia. Error autem in eo est,
quia ante gratiam iustificantem datur
gratia actualis excitans cum merito de
congruo apud catholicos. Pelagiani
verò aiebant per illa opera ante iusti-
ficationem facta ex solis viribus naturæ
mereri gratiam sanctificantem, ita vt,
gratia non esset gratia, quia naturæ
meritis reddebatur, & tegebant suum
errorem subtiliter dicendo per gratiam
sanctificantem, mereri gloriam, non
autem per opera antecedentia gratiam,
quæ tamen opera merebantur ipsam
gratiam sanctificantem; unde ipsamet
gloria ad naturæ merita redibat, & tota
gloria, & gratia sanctificans, naturæ
viribus tribuebatur.

Quod autem peius est Henricus No-
ris dicit, illam sententiam Pelagianor-
um hac in parte esse Catholicorum.
Ibid. in Vind. pag.48. lin.30.&35.

Secunda Baijdamnata in Paralello, est
in Ordine 26.

Omnia opera infidelium sunt pecca-
ta.

Secunda propositio Noris in Vind.
Pag.90.lin.4.

In fideles peccant non observando legem, &
opera, quæ ipsi faciunt, semper sunt peccata.
Ter-

Tertia Baij, quæ est damnata in Paralello in Ordine 28.

Liberum arbitrium, sine gratia Dei adiutorio, non nisi ad peccandam valet.

Tertia Propositio Noris pag. 42.
lin. 30.

Sanctus Doctor Augustinus assernit, nullas in infidelibus ex solius liberi arbitrij viribus virtutes reperiri, & si quæ in ijsdem virtutes fuerint, easdem nequaquam ipsorum voluntati, sed diuino gratia adscribendas esse.

Quarta Baij damnata in Paralello, & in Ordine 61.

Non nisi Pelagiano errore admitti potest usus aliquis liberi arbitrij. bonus, sine non malus, & gratia Christi iniuriam facit, qui ita sentit, & docet.

Quarta Noris in Vind. pag. 47. lin. 11.

Censeo hac opera bona, non fuisse facta ab infidelibus suis ipsorum viribus derelictis, sed pramunitis specialibus diuinæ gratiæ auxilijs.

A C Hic

Hic notandum Henricum Norim in Vind. 3 pag. 115. ad 119. contendere, dictum illud Pauli Rom. 14. *Omne quod non est ex fide peccatum est* omnino intelligendum esse de fide divina habituali. Quo sensu affirmat Augustinum, & antiquam Ecclesiam illa verba Pauli accepisse. Quod si verum est propositio Baij de operibus infidelium. *Quod omnia sint peccata* non potest condemnari, quia sequitur ex illo dicto *Omne quod non est ex fide peccatum est*: ut ait Noris, obijciens contra se; sequitur, inquit *Omnia opera infidelium esse peccata*. Et quidem sequela concludit contra Norim. Tu fateris in eo loco pag. 117. illam expositionem dicti Pauli *Omne quod non est ex fide peccatum est*, esse Augustini, & Patrum antiquæ Ecclesiæ, ac proinde esse veram; non potest igitur dari sequela, quod est Dogma Baij secutum ex doctrina Patrum, & tamen est damnata à Summis Pontificibus. Pio V. Gregorio XIII. & Urbano VIII. in suis Bullis, ergo vel Patres illi Ecclesiæ antiquæ errauerunt, vel Pontifices male condempnarunt doctrinam Baij dicentis *Omnia opera infidelium esse peccata*. Quod sanè argumentum concludit contra Norim tenentem illā esse sententiam Baij, & expositionem Augustini, & Patrum, & sic inducit Noris manifestam contradictionem.

tionem antiquæ Ecclesiæ, & nostræ
sub illis Pontificibus Romanis.

Errat manifestè Noris dicendo illam
expositionem de fide, esse intelligendam
de fide divina habituali. Pater euiden-
ter contra ipsum, quia illi Patres non
sunt locuti de fide habituali, sed de
conscientia dictante, vel de fide illu-
minante, quæ dicitur irradiatio fidei.
Ita Sanctus Augustinus, cui ille falsò
attribuit illam explicationem in Vind.
pag. 114. & sequent. Legatur Epistola
57. in fine, & lib. 1. de Baptismo con-
tra Donat. c. 8. & omnino manifestè li-
bro de Prædest. Sanct. c. 7. ubi loquens
de Cornelio Centurione, *Fides*, inquit,
non ex operibus: solus enim dicitur deus credere
meruit quia vir bonus erat, antequam crede-
ret. Quod de Cornelio dici potest, antequam
credidisset in Christum. Nec tamen sine ali-
qua fide donabat, & orabat.

Non habebat ergo fidem divinam ha-
bitualem, sed aliquam fidem excitan-
tem, & illuminantem transcendentem,
per modum actualis inspirationis, quæ
excitabat ad donandum elemosynas, &
orandum, ut esset illud opus honestum,
& supernaturale; de actibus autem ho-
nestis naturalibus, nulla est mentio,
atque adeò nulla contentio inter Eccle-
sias antiquam, & nostram. Ponde-
randus est hic error Henrici Noris.

A c quem

quem ipse præuidit, & cauere voluit
pag. 117. sed non potuit euitare incon-
ueniens committendi inter se Pontifices
antiquos, & modernos.

Concordat itaque Doctrina Baij, &
Noris de operibus infidelium.

Quinta Baij damnata in Paralello
est in Ordine 39.

Quod voluntariè fit, etiamsi necessario
fiat, liberè tamen fit.

Sexta Baij damnata in Paralello est
in Ordine Bullæ 41.

In Libertatis modus, qui est à necessitate,
sub libertatis nomine, non reperitur in
scripturis; sed solum nomen libertatis in
peccato.

Septima Baij damnata in Paralello
est in Ordine Bullæ 67.

Sola violentia repugnat libertati homi-
nis naturali.

Octaua Baij damnata in Paralello est
in Ordine Bullæ 63.

Homo peccat etiam damnabiliter in eo
quod necessario facit.

13
Hæ quatuor propositiones comprehenduntur à Noris in Vind. Augustini pag. 79. 80. 81. Continēt eandem doctrinam Baij de libertate : idest posse stare libertatem ad merendum , & demerendum cum necessitate , quia sola violentia , siue coactio repugnat libertati , quæ item fuit tertia propositio damnata in Iansenio .

Exscribamus hic verba Noris , quæ idem Dogma continent , & quod est deterius , attribuit illud Augustino cum Caluino , & Iansenio , & sequacibus .

Afferens pag. 79. Obiectionem Vasquez , Gonetii , Morainij , & aliorum , quæ huiusmodi est . *Nullus puniri debet ob id , pro quo nec vituperari , aut reprehendi potest ; igitur nec puniri .*

Respondet dicendo : duo esse genera peccati : vnum quod est omnino liberum , & simpliciter peccatum , alterum quod est peccatum , & pœna peccati iuxta doctrinam Augustini ; & respondet primum genus peccati committi cum libertate indifferentiæ , secundum minimè , & testimonia Augustini adducta à contrarijs pro libertate cum indifferentia restringit ad primum genus peccati , in quo est peccatum actuale Adami ; in cæteris autem , in quibus est originale , & alia actualia , quæ sunt pœnà peccati ponit necessitatem , & eum

cum ea stare affirmat peccatum ; & in
hunc sensum affert verba Augustini ,
quando ponit libertatem cum indiffe-
rentia ad peccandum, vnotantum cita-
to loco, qui est lib. i. Operis imperfecti
c. 48. & altero lib. 5. eiusdem operis c. 52.
specialiter autem pag. 86. lin. 17. celebre
testimonium Augustini pro libertate
indifferentiæ ad peccandum positum
in lib. de duab. animab. c. 11. *Peccatum est
voluntas retinendi, vel consequendi, quod in-
stipia vetat, & unde liberum est abstinere*
cum Augustino in eo loco operis im-
perfecti restringit ad solum peccatum
Adami iisdem verbis Augustini, qui sic
ait, eo loco lib. i. operis imperfecti c.
48. *Ipse Adam est, quem nostra illa defini-
tio, qua tibi placuit, insuebatur, cum dice-
rem; Peccatum est voluntas retinendi.*

Qui etiam eodem loco non vult com-
prehendere sub ea definitione libertatis
cum indifferentia peccatum quod est
pœna peccati; unde concludit Noris
ex Augustino. Certum est igitur posse pec-
catum Originale esse verè, & propriè pecca-
tum, etiamsi non inde liberum sit abstinere.
& doctrinam illam traditam à Sancto Docto-
re lib. de duab. Animab. c. 11. applicandam
non esse peccato originali, de quo ibi Sanctus
Pater non loquebatur; & concludit pag.
81. lin. 5. respondens Iuliano obijcienti
contra istam necessitatem peccandi
Deum

Deum fore auctorem peccati. Num-
quid hoc malum hominis ubi dicit, quod volo
malum hoc ago, ipsum hominis pulsat au-
ctorem? Et tamen eum qui sic agit malum,
satis apparet ad necessarium pervenisse: ne-
cessitate quippe agit, quod non agit volunta-
te; & hac responsione firmat peccatum,
quod est pœna peccati non indigere li-
bertate indifferentiæ, sed stare cum ne-
cessitate.

Hec doctrina Henrici Noris est Baij,
& Iansenij, & Caluini, quod eviden-
ter probat Pater Alexander Sebillé lib.
5. c. 25. adductis verbis Caluini, & Ian-
senij, ubi sic ait pag. 410. Iansenista simi-
les definitiones, & sententias non nisi de
primo peccato Ada intelligi volunt, idem
prorsus volunt Hæretici; adducamus verba
primo Iansenij, deinde Caluini, & fidem
facient huius quod dico. Iansenius respondet
sic Tom. 2. lib. 2. c. 4. Cum ergo Doctor profun-
dissimus Augustinus proprijs suis principijs de
peccati libertate à Pelagianis premeretur, as-
severanter docuit huiusmodi sententias, ac
definitiones suas non esse de quolibet peccato
intelligendas, sed de illo solo, quod in Pa-
radiso primus parens summa voluntatis li-
bertate perpetravit. Consonat Calvinus respon-
denti eodem modo, nam cum Pighius obieci-
set utrumque illum Augustini locum à nobis
positum, Calvinus his verbis satisfacit. In-
spiciat locum qui volet, si non de peccato
tristitia

initio loquatur. Et paulo inferius, postquam
 & ipsum etiam testimonijs Augustini compro-
 basset conclusio; Vides ipsius auctoris testi-
 monio, qui eius certe quod dixit interpretan-
 di ius habere debet, non nisi primo Ada pec-
 cato convenire hanc definitionem. Igitur ipsi-
 ssima est responsio Caluini, & Iansenij. Hæc
 omnia Pater Sebillé, qui pergit proban-
 do illam expositionem adductam, &
 probatam ab Henrico Noris esse hæreti-
 corum. Augustinum autem ipse Sebillé
 aliter explicat, & intelligit cum San-
 cto Thoma in alio sensu catholico, quæ
 proponit lib. i. c. 17. Cum D. Thoma, &
 Sebillé debuisset Noris exponere Augu-
 stinum in sensu catholico, non autem,
 sicut fecit, cum Caluino, Iansenio, &
 Baio, & sequacibus in sensu hæretico.
 Nec obijciat Noris locos illos libri primi
 imperfecti contra Iulianum; nam illi
 libri sunt ambigui, nec indubitati in-
 ter opera Augustini, & nuper inuenti,
 & in multis propositionibus corrupti:
 quarum una est illa, quam Noris addu-
 cit; continet enim contradictionem
 manifestam cum alijs Augustini locis;
 ubi perpetuò, & clarè Sanctus Augusti-
 nus docet ad merendum & demeren-
 dum omnino reperiri libertatem indif-
 ferentiæ, quos diligenter affert idem
 Pater Sebillé lib. i. c. 16. & confirmat au-
 thoritate Sancti Thomæ c. 17. Cum his
 sen-

ſentiendum eſt , & cum catholicis, non
autem cum hæreticis, quos allegat idem
Sebille , & ſequitur Noris.

Aduertendum etiam hunc eundem
locum de lib. 1. imperf. afferri, & exponi
ab eodem Patre Sebille ex mente D.
Thomæ lib. 1. c. 17. Illud eſt certum Au-
guſtinum in ſuis certis , & indubita-
tis operibus ſemper docuiſſe peccatum
originale liberum fuiſſe in Adamo , ea-
dem libertate qua ille peccauit , quod
notauit Bellarminus lib. 6. de amiſſione
gratiæ , & ſtatu peccati c. 18. videantur
Auguſtini teſtimonia libro de vera Re-
ligione c. 14. & lib. 1. de peccat. merit.
& remiſſ. c. 10. & lib. 3. c. 7. lib. 6. de ciui-
tate c. 27. lib. 2. de Nupt. & concup. c. 16.
& 28. lib. 6. cont. Iul. c. 16. lib. 1. retract. c.
13. & 15.

Nona Baij damnata in Paralello eſt
in Ordine ſſ.

Deus non poſuiſſet talem ab initio creare
hominem ; qualis nunc naſcitur.

Hæc propoſitio de concupiſcentia
communiter intelligitur , quaſi repro-
betur à Pontificibus, quia Baius putabat
concupiſcentiam eſſe per ſe malam , &
vitioſam , non autem eſſe proprietatem
naturæ , quemquam per peccatum
vitiatam . In hoc autem ſenſu Noris ne-
gare

gare debet posse hominem creari cum concupiscentia, imo à fortiori, quia ille sentit eam esse natura sua, & secundum essentiam malam. Ita in Vind. pag. 32. *ut*, inquit, *plane audent fiat secundum propriam essentiam esse malam, non vè secundum imperfectionem annexam.* Et quamquam conetur tergiversari dicens: Baium esse intelligendum de concupiscentia, quæ est formale peccatum, in quo sensu negat se hanc propositionem dixisse, tamen dum admittit esse malam secundum suam naturam, coincidit cum Baio. Vicumque sit in sententia Noris, illa propositio sequitur, sic enim ait pag. 36. ad finem.

Non dicimus, inquit, Deum non potuisse condere hominem cum concupiscentia rebellis, quòd illa sit formaliter peccatum, sed quia licet ipsa peccatum non sit, est tamen ad peccatum inclinans, & quidem vehementius, quàm quilibet habitus vitiosus ab homine contractus.

Tenet igitur Noris sententiam negativam, quam Papa prohibuit in quocumque sensu sumatur; non potest enim esse vera nisi affirmatiua sit falsa, mens autem Pontificis fuit statuere affirmatiuam. Scilicet Deus potuisset talem ab initio creare hominem, qualis nunc nascitur cum concupiscentia naturali, quæ est proprietas naturæ, uti

com-

communiter tradunt Theologi, satis (ut
Bellarminus lib. de Grat. Primi hom. c. 7.
pag. 28. & lib. 5. de amif. grat. & stat.
peccat. c. 8. pag. 385. & c. 15. pag. 435.

Alio item modo ista propositio Baſi
iuxta Norim, ibidem pag. 35. damna-
tur, ſcilicet propter acerbam cenſuram,
qua illam afficit Baius vocans Pelagia-
nam. Hoc item modo damnanda ve-
nit propositio Noris, quia ille contra-
rios auctores, qui ſequuntur ſententiam
de concupiſcentia, ut proprietas eſt
naturæ, vocat Pelagianos, & affirmat
ſentire cum Pelagio, & Iuliano. Le-
gatur pag. 30. & 31. & 32. non poteſt
igitur ſugere cenſuram, quam Baius,
eodemmet Noris Iudice meretur.

Et quoniam Summus Pontifex Urbu-
nus Octauus Paſtor vigilantiffimus in
ſua Bulla expedita anno 1644. ſic ait.

*Has, propoſitiones, Damnamus, cir-
cumſcribimus, & abolemus; de quo iſdem
& ſimilibus poſthac, quoquo pacto loquendi,
ſcribendi, & diſputandi facultatem qui-
buſcumque interdiciamus. Accepto illo vo-
cabulo ſimilibus neceſſe eſt addere hic
aliquas propoſitiones ſimiles Baiantis
iſtius auctoris Henrici Noris, quæ per
eandem Bullam videntur prohiberi.*

*Prima. Homo expectato Originali incur-
rit in priuationem potentia proxima expedita
ad perſeuandam in ſemel accepta gratia
ſancti.*

20
sanctificant. In Vind. pag. 32. Rursus. Per
gratiam sanctificantem non tollitur privatio
potentia proxima expedita ad perseveran-
dum. Hac enim privatio est in poenam primi
peccati.

Secunda. Capitale Massiliensium Dog-
ma fuit communem omnibus esse gratiam lib.
2. Hist. Pelag. pag. 246.

Tertia. Adam habuit auxilium proximè
sufficiens ad observationem cuiuscunque prae-
cepti, & infra. Infero in statu naturae lapsae
non omnibus dari, nec praesto esse illud adiu-
vatorium. In Vind. pag. 86. & 87.

Quarta. Reijcienda est sententia illorum,
qui dicunt gratiam proximè sufficientem sem-
per adesse, nec unquam legem obligare nisi
adsit gratia adiuvans. In Vind. pag. 88.

Quinta. Infideles, cum in Christum non
credant, Dei gratiam adimplendam legem
naturalem non petunt, unde nec eandem ob-
servant. In Vind. pag. 96.

Sexta. Dum petis, vel antequam petas
stas sub lege precipiente, & non dum habes
gratiam adiuvantem: tunc enim non potes
facere, quod lex iubet. In Vind. pag. 88.

Septima. Illud ex Augustino certum est,
neque fidem posse movere hominem ad poten-
dum auxilium divinum; ad hoc ut possit im-
plere praeceptum, nisi Deus infundat gratiam
actuale, qua homo moveatur ad orandum.
In Vind. pag. 89.

Octava. Urgente quolibet praecepto non
adeft.

adeſt gratia neceſſario ſufficiens , niſi inter
media actuali oratione. Ibidem pag. 86. 87. 89.

Nona. Infideles ſine fide , manent tan-
tum ſub lege precipiente. In Vind. pag. 90.

Decima. Poſta tentatione : Adamus
neuiquam niſi inaniter petiſſet vires videndi
reſiſtendi. Ibid. pag. 86.

Vndecima. Ex Sancto Doctore probantur
non durius loqui qui aſſeras in hypotheſi ,
quod ſola lex inbeat , nec gratia proximè ſuf-
ficiens adſit , eandem legem obligare , & trans-
greſſorem reum eſſe peccati. Ibid. pag. 90. &
91.

Duodecima. Infideles habent auxilia
quadam remota , unde non patiuntur antece-
dentem neceſſitatem peccandi . & ideo non
excusantur. Ibid. pag. 90. 91.

Decimatertia. Sententia Auguſtini de
predeſtinatione hominum ad gloriam , ſine
ullis prauis meritis , eſt doctrina de fide. In
Vind. pag. 93. 289. 217.

Decimaquarta. Concupiſcentia ſecun-
dum propriam ſuam eſſentiam eſt mala . non
autem ſecundum imperfectionem annexam.
In Vind. pag. 32.

Hæ propoſitiones videntur ſimiles il-
lis prioribus Michaelis Baij , idcirco eas
hic adiungimus , & cum omni humilita-
te , & ſubmiſſione Eminentiffimis Do-
minis Cardinalibus pro noſtra imbecil-
litate repræſentamus . Et finimus illis
verbis Summi Pontificis S. Pij Quinti.
Que

Quæ nō quadrant in nos priuatos Theologos, & miseros homunculos, sed documententi causa ea proferimus. *Quantum ad nos attinet totis viribus conamur, ut illa (nouæ opiniones) simul atque profusius penitus opprimantur. Magno enim dolore afficimur, quod plerique spectata alioqui probitate, & doctrinæ in varias sententias offensionis, & periculi plenas prorumpunt.*

Et alijs verbis Sanctissimi Papa Urbani Octauī, loquentis in sua Bulla de Sanctissimo Papa Gregorio XIII. *Eorum reuerentiam atque audaciam minime contemnendam, & dissimulandam censuit, sed ad coercenda huiusmodi ingenia, &c.*

Sub Censura.

Fr. Ioannes à Guidicciolo Mantuanus.